

四庫未收書輯刊編纂委員會編

四庫未收書輯刊

北京出版社

捌輯・叁拾冊

四庫未收書輯刊

四庫未收書輯刊編纂委員會編

北京出版社

# 捌輯・叁拾冊目錄

春和堂詩集一卷〔清〕允禮撰

一

春和堂紀恩詩一卷〔清〕允禮撰

三三

羣芳詩鈔八卷〔清〕俞鵬程輯

六一

選學膠言二十卷補遺一卷〔清〕張雲璈撰

一五一

詞的四卷〔明〕茅暎輯評

四六七

春蕪詞二卷〔清〕越閩撰

五三五

詞林逸響四卷崑腔原始一卷〔明〕許宇輯

五六一

詩筏橐說四卷〔清〕李峻輯

七五七

〔清〕允禮撰

春和堂詩集一卷

清雍正刻本

春和堂詩集序

古人之有詩也即境與事而道其中之所欲言故曰吟詠性情謂發于其所不能已也余少誦

春和堂詩集

序

經書暇則好觀諸史及漢唐以來古文以其所載者大三才萬物之理持躬應物之宜寔散見於此亦學者所宜盡心

聖恩

而於詩則未暇求其工有會而作不過率其意之所欲言而已及荷

屬國晉長冬官自念前

春和堂詩集

序

二

古親藩雖德懋學優而得展布四體以輸力於國家者甚少況余蹇劣叨冒

恩遇雖夙興夜寐職思其居

猶恐未克擔負則於詩  
益有所不暇矣而

聖恩優渥柏梁

賜宴得與賡歌寔先三事其

他紀

春和堂詩集

序

三

恩之作勵志之篇以及退食

優游流連景物即境與

事而不能已於言者亦

不覺成帙乃彙為一編

以志余幸生

國家重熙累洽之會際

聖主勵精圖治之初而得與

眷

國政自効於股肱耳目之

間乃曠世之殊遇若覽

春和堂詩集

序

四

者按以詩律而拔其鏗

鏘藻繪之功於毫釐分

寸間則余滋愧矣

雍正十一年季夏六月

吉旦

和碩果親王識并書



春和堂詩集

序

五

春和堂詩集卷之一

和碩

聖德格天甘露時降臣工

協應太和涵濡三代之隆復見於斯

日臣允禮不勝歡欣慶幸之至敬賦

五言律詩一首進

呈

帝德通神妙昊天沛澤行滂沱彌曠野霖霖及

春和堂詩集卷一

春耕霑足體仁洽昭蘇仰

聖情時雍歌盛世萬彙慶生成

春日偶成

新陽消息透冰池漸看條風染柳枝從此

春亭明月下平章紅綠費神思

望月

東林樹杪來圓月照得池亭似有情岸幘

臨風憑眺處倚欄心緒一時清

園中卽事

試劇慚非躍穎才公餘夕照一裴回  
林泉只合滄浪客怪底紆金到此來

月夜

良宵幽興趁秋風月在天心透樹中  
影落碧溪浮水面頓教胸次印澄空

延月樓望月

圓月澄清夜登樓俯碧潭一泓無浪起  
光

春和堂詩集

卷一

二

定曲橋南

春和堂

春光簷際滿景物共暄和日午花香遞  
風輕燕影過冲融怡靜體駘蕩洽恩波  
坐覺琴心遠怡然發嘯歌

石壁

突兀勢摩天應分華嶽巔蒼松偃蓋處  
疑是駐飛仙

欣懷亭

端居攬勝事時一坐幽亭石色送寒翠  
松陰來遠青行雲遊目送飛鳥帶聲聽  
四顧天機滿悠然契性靈

攬雲臺

斜風送雨添池水伏日煩歎頓令止翠  
葉青巒望處佳攬雲臺上情無已

小金山

春和堂詩集

卷一

三

小金山似大金山四面清流直復灣渡  
橋攀柳繞長廊只覺泠泠夏日涼深堂含  
綠靜如水屏挿琉璃香作床公餘坐此復  
何事塵慮超然詩思長君不見啟北戶納  
涼颼三山蓬島堪相伴好鳥間關鳴樹上  
笙歌繚繞聲悠漾說與江頭來往人此中  
盡日無風浪

向日軒

東軒敞向日效彼葵傾心我生若木枝肺  
腑情倍深楚詩與沛易往事誠堪欽儀表  
既可範黽勉固丹忱營職期無曠座右銘  
官箴况我中下資敢荒分寸陰歷覽千載  
史負暄意可尋

來青榭

繞遍迴廊偶坐一團秀色飛來閒倚匡床  
細數青林翠壁蒼苔

春和堂詩集卷一

四

挹秀樓

憑闌俯視平湖好得意魚兒牽荇藻箕踞  
科頭似散仙四時清興何知老

烟雨磯

連峯突兀勢嵯峨古石蟠根遶碧波磴仄  
縈紆行樹杪橋迴宛轉入雲窩因無拒物  
基煩壞始見成山施女蘿更愛林巒烟雨  
好小亭結構傍巖阿

煩壞出  
莊子

碧梧院

小院梧桐樹森森玉潤姿托根臨水岸分  
綠上階墀新霽涵空淨清宵向月披携琴  
聊坐此爲鼓鳳來儀

翠擁亭

湧翠峯頭翠擁亭石根流水碧泠泠簷前  
古樹參天綠望裏西山入座青春夜聽歌  
烟漠漠秋朝採菊雨溟溟攬雲臺上憑闌

春和堂詩集卷一

五

看愛爾當軒敞畫屏

小山居

青山好在小山東花氣斜通金碧叢想像  
輞川吟咏意要將新句入詩筒

流花徑

洞門深處引清流曲徑斜通信步遊幾片  
飛花浮水面桃源依約在西頭

觀魚樂

金塘穀水間碧藻文鱗躍游泳彼如如心  
神此落落小亭開浩渺倒影浸寥廓吟罷  
一憑闌宛然濠濮樂

桃源洞

洞門深幾許隱隱有泉聲仙樹參差見春  
禽上下鳴松間雙鶴立柳外一舟橫遙指  
潺湲處花流點點明

澄觀書屋

春和堂詩集

卷一

六

曲水環簷下飛泉落座中半簾斜映竹一  
榻正當風畦菜窺窻碧池魚飲眼紅悠然  
佳興在相賞自無窮

湧翠峯

靈峯何崔巍捫攀聊極目遙觀樹有無俯  
視川迴復野雲拂衣起亂石排空矗翠色  
生烟巒藹然如可掬

帶柳梁

綠楊深處小橋橫岸幘憑欄逸興生澗底  
石泉流不住一聲欸乃月初明

延月樓

西南有高樓結架俯池亭碧波遊鯨魚濃  
蔭涵層青自公退食暇臨眺倏已暝酌酒  
疇與對明月透疎櫺夜景勝清晝襟懷了  
無縈涌身琉璃地冷然御風行恍如遊玉  
壺忘物亦忘形佳期在三五把盞此相迎

春和堂詩集

卷一

七

雲根石

疊石橫清沼雲根水面留攬衣緣磴道傍  
柳繫蘭舟久坐疑空谷輕涼似早秋晚烟  
籠碧樹新月已垂鉤

題畫

白石瀉清泉紅霞隱綠樹幽人巖際亭獨  
立看飛鷺

題廿一歲時所畫小照

我昔年廿一寫就寄深情此時新識者知  
我舊儀形攬鏡一相顧髣髴弟與兄容顏  
已若此心懷那不驚人世便百歲迅速何  
曾停所貴道與德勉強盡經營眉宇在來  
日無使愧平生

除夜

身荷榮華

覆載恩薄才應愧列屏藩街頭爆竹聒除夜心

春和堂詩集

卷一

八

慶豐年樂事繁

余奉

命閱視通州天庾自正月二十五日至二月四

日事竣時維春和土膏脉起于耜之  
衆咸思瑞雪是夜同雲密合曉起推  
簾則已平疇滿谷矣寓邸在城北有  
平臺可以四望公事既畢遂登其上  
喜豐年之有兆援筆成句以紀一時

之興

二月通州欲雪天閱倉初罷整歸鞭喜逢  
綺陌來嘉瑞特上平臺望眇綿萬頃碧沉  
瑤作圃一犁膏潤玉爲田明朝霽色天衢  
路村巷家家說有年

讀荀悅漢紀

體製安詳義例醇西京舊事見如新屈他  
一管春秋筆只與班家作素臣

春和堂詩集

卷一

九

詳節爭誇呂伯恭編年鉅手是溫公誰知  
漢魏波流日已有權衡似晦翁

靜觀樓成咏

面面層巒向我樓含青碧沼映空幽買山  
徒自登高峻泛水恒難際順流月夕靜觀  
澄鏡影晴朝歷數秀峯頭賞心愜目仙都  
興猶記當時縱意遊

泛舟

隨波上下縱輕船想像江湖思渺然把酒  
臨風期皓月一聲欸乃近堤邊

卽事二首 集詩牌成

夏木綠連天幽溪浴鶴眠卷簾香入座窓  
外有新蓮

林泉許小遊晴雨放漁舟結念溪雲裏機  
忘狎浦鷗

咏琴 集詩牌成

春和堂詩集 卷一 十

何憑靜我心簫管集塵襟說與風霜客溪  
頭抱此琴

大有村卽事

太平人住太平村面面青山正對門籬落  
犬聲知客到呼僮命酒具雞豚

大有村酒肆

閒趣山間村裏醉他沽酒人家誰道官身  
多事能來籬下看花

賦得春光滿上闌

爲有東皇布太和祥光煦煦上闌多雁聲  
乍轉宜春苑冰彩新開太液波柳被惠風  
吹放眼鳥因遲日暖傳歌共知雨露滋生  
早萬彙含榮喜若何

賦得柳暗花明又一村

山水遙環路欲遮但逢好處莫辭賒垂絲  
細展纖腰柳照眼初開笑面花村僻依微

春和堂詩集 卷一 十一

通石徑林深杳靄露人家莫云此地無遺  
逸儘有青門學種瓜

賦得竹深留客處

蒼翥蒼雲母竹綠綵結林深招引來幽客相  
將戀好陰欸然成語笑率爾遂歌吟直幹  
貞堅性宜人特地尋

賦得無風坐亦涼

避暑林泉好納涼臨溪思欲結茆堂濃陰

深處人堪臥野草叢中花是香淡冶輕雲  
圓蓋覆清泠流水帶圍長此時自可忘炎  
夏不用薰風到我傍

咏蠟燭

非珠能不夜炯炯似長庚常向書幃照時  
從舞席明擎來星幾點籠去月中行豈是  
人間物祇疑天上精

閏月定四時

春和堂詩集

卷一

十二

氣朔有參差因何庶績熙歸餘緣置閏補  
闕自成時妙盡乘除理寧容節候移陰陽  
真不爽寒暑允相宜未試籌人算先從斗  
柄知闔扉遵古訓欽若應昌期

賦得飛鴻響遠音

正送揮絃目遙天急塞鴻一聲傳碧落片  
響入霜風嘹唳寒雲外淒清夕照中嗷嗷  
何處去秋思滿長空

賦得原隰萋綠柳

原隰柳初萋叢生綠未齊條長禁紫燕葉  
小露黃鸝帶雨全欹水含烟欲覆隄翠樓  
時極目芳草共萋萋

風雨聞雞

風雨蕭蕭夜長鳴何處雞燈前已屢舞花  
外只頻啼韻逐迴颺遠聲綠密勢低願言  
見君子情況正淒淒

春和堂詩集

卷一

十三

賦得宿烟寒白露

新涼八月天秋色滿前川淅瀝蒹葭露霏  
微楊柳烟侵晨含處濕初日照來鮮欲散  
將晞候風光倍可憐

賦得秋山極天淨

山色秋來淨嵐光欲接天纖塵飛不到一  
碧望無邊宿雨初收後殘陽未落前凭軒  
縱吟眺爽氣入詩篇

賦得白鶴高飛不逐羣

脩脩片羽入雲高萬里青天見雪毫兩翅  
欲翻碧落影一聲應撼絳河濤豈惟鷗鷺  
呼羣苦兼恐鴛鴻覓伴勞翹首休誇仙路  
遠和鳴昨夜在江皋

葡萄上架

珍果新從上苑移植株挿竹好扶持未論  
馬乳纍纍結且看龍鬚嬾嬾垂纓絡千條

春和堂詩集

卷一

十四

懸瑪瑙珠璣百斛寫琉璃綺疏雕檻長相  
對待月乘風事事宜

庭前菊花

不待重陽日庭前菊已花入門藹蘭麝繞  
徑散雲霞賦性秋同潔相看靜不譁何須  
對尊酒盈把卽堪誇

促織

頗怪聲如織秋來永夜鳴草根頻斷續牀

下更淒清慣動征人思能令懶婦驚惟應  
苦吟客覓句共長檠

天保九如

哲后開元會良臣獻九如天心真不爽靈  
貺允相於福衍箕疇外祥徵舜樂餘無疆  
符紫落爲德徧 皇輿稱頌盈階陛懸圖  
向殿廬願言千萬壽長此奉宸居

蠟梅

春和堂詩集

卷一

十五

仙姿不作美人粧盡洗鉛華刺杏黃數朶  
衝寒苞蠟蕊一枝映日綻金囊香分東閣  
偏宜月開傍南枝不畏霜見說涪翁最相  
愛好將高格冠羣芳

芍藥

殿春最愛廣陵花靜倚東風繡幕遮綽約  
袖迴金帶舞輕盈鬢蟬玉臺斜翻堦驚豔  
招詩客壓檻穠華映酒家最是千枝羅曉

市彩霞齊簇五雲車

牡丹

蓮萼檀心紅玉豔多烟重占年芳繁華  
未必輸興慶姚魏何須詫洛陽倦倚朱闌  
朝帶露濃酣金盞夜凝香太平時覺春風  
永富貴花開特地長

盆花

黃磁小斗貯春風寸土曾勞灌溉功掩映

春和堂詩集

卷一

六

最宜珠箔下橫斜偏稱綺疏中香生斐几  
爐烟細氣襲牙籤墨瀋融相對自然饒逸  
韻巡簷如在百花叢

題茂林仙館圖

飛流界空青天風導大窾陰森六月寒蒼  
鬱九冬暖茲山非人世合付真靈管宮室  
何縹緲云是列仙館門外楓葉深峯頭白  
雲滿豈惟人蹤絕兼恐鳥跡罕欲揖浮邱

公松關不可款雖悵奇境隔頓覺塵心泮  
緬懷羽衣客人外寄蕭散

恩賜武英殿各種書籍紀恩

右文聖代集球琳秘殿編摩冠古今馳賜  
中人裝玉軸預窺二酉荷宸心綰繩散  
處光騰漢芸案陳來香滿襟飽讀從窺風  
雅奧瑤編一一細探尋

自得園成詠

春和堂詩集

卷一

七

清音毓素尚日涉興猶賒烟水閑相領林  
廬晚轉嘉疏風琴磻竹坐月葯闌花幽事  
寬如許行吟手獨叉

讀漢書

朝下焚香靜掩櫳流觀度閣興摩空蘭臺  
兩世成名筆赤帝千秋壯大風可但咸莖  
超雅奏也知壁壘出羣雄角端挂讀真豪  
士夾祭雌黃酷未公

病中紀

恩并序

余向有嗽上氣疾自八月初三日偶  
感風寒痼疾復作夜以繼日不能就  
枕憤耗昏迷蒙我

皇上軫念遣御醫診視

命怡親王斟酌調治又蒙日遣中使

賜問

春和堂詩集

卷一

六

恩給人侵橘紅攝養月餘元氣漸覺甦復感戴  
殊恩不禁泣下力疾濡毫以紀

聖慈

朝夕承

恩近

帝顏沉疴秋冷瘦身艱名醫秘術親王定靈藥

仙根中使頒惆悵敢忘邀

睿鑒涓埃終欲竭愚孱此生再造

仁如海感泣頻蒙

聖慮關

題畫絕句二十九首

蹋毬時節賣錫天士女爭拋白打錢笑看  
當場塵起處一丸蹴鞠似珠圓  
古松蟠屈倚雲栽枝拂紅輪曉霧開夢裏  
似曾登日觀隔烟隱隱見徂徠

半畝方塘八月中霜蓮露柳映芙蓉帶絲

春和堂詩集

卷一

五

白鷺披棉雀點綴秋光分外濃

青社紅樓半有無山容水態總模糊何人

策杖侵晨出來看米家烟雨圖

神物猶傳宋刻絲天孫妙製五銖衣瓊葩

珍雀含生意誰信鴛鴦出錦機

要識三農本計專閒調墨瀋寫烏犍一犁

春雨初晴後看取秧深水滿田

何不垂鞭信馬蹄嵐光壓樹水鳴谿應綠

並轡聯新句要趁前山古寺題

千巖萬壑一扁舟看遍蓬壺八月秋莫怪  
奚童呼不起也應夢與白雲遊

神芝一茹便忘還秦女何年入華山薜葉  
作衣毛覆額時騎仙鹿到人間

看此羣兒碧沼頭也知結伴覓清幽共嬉  
蓮朶生生意總是天真爛漫遊

雲外虬枝帶笑看石欄長倚不知寒囊中  
春和堂詩集卷一 三

別有餐松法五粒寧輸九轉丹

紅雨繽紛榔葉陰春波閒浴孔家禽翠毛  
金眼宜珠樹好上方壺碧玉岑

虬龍天矯俯山梁嬾嬾烟蘿百尺長盡日  
濤聲吹不斷自搖松子打鴛鴦

十里清谿平遠山林園處處好追攀三春  
花鳥三秋月輸與幽人自往還

陰陰綠樹靄千章不怕炎歊夏日長恭罷

偶從林下坐只尋野老話農桑

曾聞南海白衣娘丹穴新頒赤羽章試聽  
花間言語好喚人猶自說歸昌

萬株齊着水晶粧只有梅花冷處香踏碎  
瓊瑤山裏去路人爭指孟襄陽

松聲謖謖瀉清漪海鶴鳴陰鵲噪枝安得  
仙人王子晉臨風譜入玉參差

翩翩飛蝠下簷阿手劍橫空意若何千載  
春和堂詩集卷一 三

人傳唐進士可知受福爾偏多

萬疊秋山百道泉行人回首夕陽前若令  
野渡添風景好着扁舟淺水邊

霜皮溜雨勢參天古榦杈枒自漢年却笑  
杜陵甘剪伐教人回手萬牛前

晨操版築夕爲霖一夢驚人直到今物色  
不遺巖野客此心早格彼蒼天

四月仙桃欲醉時金鈴不用打鶯兒一聲